

Agenda – Y Cyfarfod Llawn

Lleoliad y cyfarfod:

Y Siambr – Y Senedd

Dyddiad y cyfarfod:

Dydd Mercher, 2 Mai 2018

Amser y cyfarfod: 13.30

134(v4)

- 1 Cwestiynau i Ysgrifennydd y Cabinet dros yr Economi a Thrafnidiaeth**
(45 munud)

Bydd y Llywydd yn galw ar Lefarwyr y Pleidiau i ofyn cwestiynau heb rybudd i Ysgrifennydd y Cabinet ar ôl Cwestiwn 2.

[Gweld y Cwestiynau](#)

- 2 Cwestiynau i'r Cwnsler Cyffredinol**
(45 munud)

[Gweld y Cwestiynau](#)

- 3 Cwestiynau Amserol**
(0 munud)

Ni dderbyniwyd unrhyw Gwestiynau Amserol.

- 4 Datganiadau 90 Eiliad**
(5 munud)

- 5 Datganiad gan Gadeirydd y Pwyllgor Cyfrifon Cyhoeddus: Caffael Cyhoeddus**
(30 munud)



Yn unol â Rheol Sefydlog 11.15(i), mae'r Pwyllgor Busnes wedi penderfynu y cynhelir unrhyw bleidlais angenrheidiol ar y cynnig o dan eitem 6 ar unwaith wedi i'r eitem honno i ben.

6 Dadl ar Adroddiad y Pwyllgor Safonau Ymddygiad 01–18 i'r Cynulliad o dan Reol Sefydlog 22.9

(15 munud)

NDM6710 [Paul Davies \(Preseli Sir Benfro\)](#)

Cynnig bod Cynulliad Cenedlaethol Cymru:

1. Yn ystyried [Adroddiad y Pwyllgor Safonau Ymddygiad – Adroddiad 01–18](#) gyda'r [adroddiad gan Syr John Griffith Williams QC o dan baragraff 8.6 o'r weithdrefn ar gyfer ymdrin â chwynion erbyn Aelodau'r Cynulliad](#) – a osodwyd gerbron y Cynulliad ar 18 Ebrill 2018 yn unol â Rheol Sefydlog 22.9.

2. Yn cymeradwyo'r argymhelliad yn yr adroddiad bod achos o dorri amodau wedi ei ganfod a phenderfynu y dylai'r Aelod, o dan Reol Sefydlog 22.10 (i) a (iii) gael ei geryddu a'i wahardd o drafodion y Cynulliad am y cyfnod o saith niwrnod calendr yn syth ar ôl derbyn y cynnig hwn.

7 Dadl Aelodau o dan Reol Sefydlog 11.21(iv) – Tlodi misglwyf a stigma

(60 munud)

NDM6695

[Jane Hutt \(Bro Morgannwg\)](#)

[Jenny Rathbone \(Canol Caerdydd\)](#)

Cynnig bod y Cynulliad Cenedlaethol Cymru

1. Yn nodi gwaith ymchwil gan Plan International UK ar dlodi misglwyf a stigma, sy'n amcangyfrif bod un ym mhob 10 o ferched yn y DU wedi methu â fforddio cynhyrchion misglwyf.

2. Yn croesawu'r camau y mae sefydliadau yng Nghymru yn eu cymryd, gan gynnwys Periods in Poverty, Wings Cymru, The Red Box Project, Ymddiriedolaeth Trussell ac eraill, i fynd i'r afael â mater hwn.

3. Yn nodi'r adroddiad terfynol gan weithgor craffu cyngor Rhondda Cynon Taf a sefydlwyd i ddelio â darparu cynhyrchion misglwyf am ddim mewn ysgolion.

4. Yn galw ar Lywodraeth Cymru i:

a) ystyried ymchwil presennol a newydd ar effaith bosibl tlodi misglwyf a stigma ar ddysgu;

b) ystyried galwadau i wella addysg ar y pwnc a chynnig cynhyrchion misglwyf am ddim mewn sefydliadau addysg; ac

c) nodi ffyrdd i sicrhau bod cynhyrchion misglwyf ar gael i fanciau bwyd Cymru.

[Plan International UK – 1 in 10 girls have been unable to afford sanitary wear](#)

(Saesneg yn unig)

[Cyngor Rhondda Cynon Taf – Adroddiad terfynol y gweithgor craffu sy'n ymdrin â darparu cynhyrchion misglwyf am ddim mewn ysgolion](#) (Saesneg yn unig)

Cefnogwyr:

[David Rees \(Aberafan\)](#)

[Dawn Bowden \(Merthyr Tudful a Rhymni\)](#)

[Jack Sargeant \(Alun a Glannau Dyfrdwy\)](#)

[Jayne Bryant \(Gorllewin Casnewydd\)](#)

[John Griffiths \(Dwyrain Casnewydd\)](#)

[Julie Morgan \(Gogledd Caerdydd\)](#)

[Leanne Wood \(Rhondda\)](#)

[Mick Antoniw \(Pontypridd\)](#)

[Mike Hedges \(Dwyrain Abertawe\)](#)

[Sian Gwenllian \(Arfon\)](#)

[Simon Thomas \(Canolbarth a Gorllewin Cymru\)](#)

[Vikki Howells \(Cwm Cynon\)](#)

8 Dadl Plaid Cymru – Bil yr Undeb Ewropeaidd (Ymadael) a datganoli (60 munud)

NDM6712 [Rhun ap Iorwerth \(Ynys Môn\)](#)

Cynnig bod Cynulliad Cenedlaethol Cymru:

1. Yn nodi'r cytundeb rhwng Llywodraeth Cymru a Llywodraeth y DU ar Fil yr Undeb Ewropeaidd (Ymadael).
2. Yn nodi ymhellach fod y cytundeb yn gwneud y Bil Cyfraith sy'n Deillio o'r Undeb Ewropeaidd (Cymru) a basiwyd gan fwyafrif yng Nghynulliad Cenedlaethol Cymru yn afraid.
3. Yn gresynu at y ffaith bod y cytundeb yn rhoi feto dros feysydd deddfwriaeth ddatganoledig i Senedd y DU.
4. Yn gresynu ymhellach at y ffaith bod y cytundeb yn tanseilio Papur Gwyn Llywodraeth Cymru–Plaid Cymru sy'n datgan "na ddylai ymadawiad y DU o'r UE arwain at Lywodraeth y DU yn craffu pŵerau datganoledig yn ôl. Bydd unrhyw ymgais o'r fath yn cael ei gwrthwynebu'n gadarn gennym".
5. Yn galw am bleidlais ystyrllon ar y cytundeb yng Nghynulliad Cenedlaethol Cymru.

[European Union \(Withdrawal\) Bill](#) (Saesneg yn unig)

[Bil Cyfraith sy'n Deillio o'r Undeb Ewropeaidd \(Cymru\)](#)

[Papur Gwyn: Diogelu Dyfodol Cymru – Pontio o'r Undeb Ewropeaidd i berthynas newydd ag Ewrop](#)

Cyflwynwyd y gwelliannau a ganlyn:

Gwelliant 1. [Paul Davies \(Preseli Sir Benfro\)](#)

Dileu popeth a rhoi yn ei le:

Cynnig bod Cynulliad Cenedlaethol Cymru:

Yn croesawu:

- a) y cytundeb rhwng Llywodraeth Cymru a Llywodraeth y DU ar Fil yr Undeb Ewropeaidd (Ymadael);
- b) y bydd hyn yn amddiffyn marchnad fewnol y DU ac yn sicrhau na fydd rhwystrau newydd yn cael eu creu o fewn y DU ar gyfer defnyddwyr a busnesau;
- c) bod hyn yn golygu y bydd y mwyafrif llethol o bwerau'r UE sy'n croestorri â chymwyseddau datganoledig yn mynd yn uniongyrchol i seneddau a chynullïadau datganoledig pan fydd y DU yn gadael yr UE;
- d) y ddyletswydd a osodir ar Weinidogion y DU i geisio cytundeb y deddfwrfeydd datganoledig bob tro y maent yn bwriadu gwneud rheoliadau i roi maes polisi o dan y pwerau sydd wedi'u rhewi yng nghymal 11;
- e) y terfyn amser a gyflwynwyd ar y cyfyngiad dros dro ar gymhwysedd datganoledig; ac
- f) bod hyn yn golygu y bydd Llywodraeth Cymru bellach yn argymhell bod Cynullïad Cenedlaethol Cymru'n pasio cynnig cydsyniad deddfwriaethol ar gyfer Bil (Ymadael) yr UE.

[Os derbynnir gwelliant 1, caiff gwelliant 2 ei ddad-ddethol]

Gwelliant 2. [Julie James \(Gorllewin Abertawe\)](#)

Dileu popeth ar ôl pwynt 2 a rhoi yn ei le:

3. Yn cytuno bod y canlyniad cadarnhaol hwn i'r negodiadau â Llywodraeth y DU yn diogelu pwerau'r Cynullïad Cenedlaethol dros bolisiau datganoledig yn yr amgylchiadau sy'n newid sydd wedi'u creu gan Brexit ac yn cyfnerthu Confensiwn Sewel, ar sail y sefyllfa ddiodyfyn bod angen cydsyniad y Cynullïad ar gyfer newidiadau i gymwyseddau'r Cynullïad.

4. Yn croesawu'r ffaith y caiff unrhyw fframweithiau gan y DU gyfan i ddisodli fframweithiau presennol yr UE eu negodi'n rhydd rhwng y llywodraethau ac y byddant yn ddarostyngedig i Gonfensiwn Sewel; a thra bo'r fframweithiau hyn yn

cael eu negodi, na fydd unrhyw Lywodraeth, gan gynnwys Llywodraeth y DU mewn perthynas â Lloegr, yn gallu cyflwyno deddfwriaeth sy'n gwyro oddi ar y sefyllfa bresennol.

5. Yn nodi ymhellach y caiff y Cynulliad Cenedlaethol y cyfle am bleidlais ystyrlon ar y cytundeb pan fydd yn ystyried y Cynnig Cydsyniad Deddfwriaethol sydd i'w gyflwyno gan Lywodraeth Cymru.

9 Cyfnod Pleidleisio

10 Dadl Fer

(30 munud)

NDM6711 [Rhianon Passmore \(Islwyn\)](#)

Gwlad y gân: datblygu strategaeth addysg cerdd i Gymru

Cynhelir Cyfarfod Llawn nesaf y Cynulliad am 13.30, Dydd Mawrth, 8 Mai 2018